

劫花慘史

中華民國三年七月初版
中華民國三年三月三版

此書有著作權
翻印必究

編纂者 發行所 印刷所 總發行所 分售處

（小說本）
花慘史一冊

（每冊定價大洋壹角伍分）
（外埠酌加運費匯費）

指 商務印書館 嚴

上海 商務印書館 路首寶山路

上海 商務印書館 棋盤街中市

北京 天津 保定 奉天 吉林 龍江 濟南 太原 開封 鄭州 西安 漢口 杭州 蘭谿 安慶 蕪湖 南昌 漢口 貴州 常德 衡州 成都 重慶 瀘縣 梧州 雲南 新嘉坡

貴州 常德 衡州 成都 重慶 瀘縣 梧州 雲南 新嘉坡

哀情
小說
切花慘史

第一章 落花劫

1 史 慘 花 劫

女子無才便是德。神明裔胄播此讐言。使男子之惡益稔而誤。盡女蒼生。寧止童謠熒惑而已哉。不獨此也。豐才嗇遇。猶云造物所忌。至好色人之天性。娟娟此豸。我見猶憐。而竟肆意摧殘。橫加箠辱。笄鸞囚鳳。煮鶴焚琴。好惡與人異趣。天下顧多是儻鯁然人面。與我同宇宙者。而所謂人生不幸之女子。身又復孤苦伶仃。不能自立。秉三從四德之彝訓。閑從一而終之禮教。含悲茹痛。不能奮飛。知與不知。聞其事者。俱當愛敬之不暇。而獨局中人。猜聲怪色。以閒花路柳視之。空喚奈何。終成怨耦。難爲索解。遂呼冤孽。詎不吞舟漏網。淫人得志耶。振吾筆伐鋤此兇殘。庶幾怨氣消而人道重。記者於此。尤所汲汲矣。若夫畫屏欒影。曲院簫聲。實命不猶小星自喻。是亦可憐蟲耳。縱使醋海興波。入室見嫉。尙當津填妬婦鈴。護花叢。而乃薄倖性成。秋風捐扇。甚至傳花人去。拋下繁枝。忍

加。蹴。踏。之。行。忽。墮。虎。狼。之。口。言。之。酸。鼻。豈。復。人。情。他。若。爨。下。勞。薪。泥。中。長。跼。彼。亦。人。子。古。人。何。等。忠。厚。乃。或。視。等。雞。蟲。命。如。蟣。蝨。淵。膝。任。便。鞭。撻。從。心。婦。惡。已。等。賈。武。夫。更。助。紂。爲。虐。小。魂。殘。喘。奚。翅。草。芥。何。物。主。翁。酷。暴。若。此。法。多。未。及。冤。海。終。沈。寧。非。一。重。公。案。耶。至。於。風。塵。緇。染。團。圓。香。埋。一。例。哀。鴻。何。心。蹂。躪。乃。旣。阨。於。鴛。老。鳩。盤。復。受。虐。於。封。夷。叱。利。褫。以。屏。障。承。口。唾。壺。逞。彼。肉。慾。儕。於。玩。物。甚。者。換。馬。示。豪。槃。首。示。武。朝。纏。綿。於。牀。第。夕。變。割。於。刀。俎。羅。刹。鬼。國。如。其。黑。闇。阿。鼻。地。獄。方。茲。慘。酷。矣。嗟。乎。沈。沈。蛤。利。黯。黯。嫫。星。女。權。之。墮。至。斯。而。極。人。孰。無。情。能。勿。感。動。哉。玉。顏。不。及。寒。鴉。色。猶。帶。昭。陽。日。影。來。芳。姿。麗。質。人。生。所。最。難。得。者。一。遇。不。幸。塵。土。視。之。抑。何。不。平。之。甚。也。

秋。風。蕭。瑟。孤。鴈。哀。呼。不。覺。前。塵。影。事。湧。上。心。頭。個。中。曲。折。如。蟻。穿。珠。如。蛹。抽。繭。陂。陀。起。伏。如。歷。羊。腸。九。折。坂。奇。妙。繁。縟。又。如。行。山。陰。道。上。應。接。不。暇。細。鍼。密。縷。則。如。薛。夜。來。處。深。帷。中。不。用。燈。燭。繡。製。精。工。摹。寫。猶。惡。之。態。更。如。吳。道。子。畫。鬼。趣。圖。目。蓮。僧。演。地。獄。現。象。令。人。見。所。未。見。聞。所。未。聞。哀。感。頑。豔。尤。非。後。主。淚。痕。

洗面易安人。比黃花所足狀。此淒苦者。殺青既竟。輒自駭詫。不謂人間世。乃有此境也。然而恨綺愁羅。事皆實錄。敢藉塊壘之澆。聊抒怨女之氣。庶幾言者無罪。聞者足戒爾。

金閨間自古稱息土山明水秀。代生麗人。較之越豔珠娘。說者謂猶有差黍之辨也。潘某者。游宦山左。爲諸侯食客。彈鋏長歌。殊形落拓。以弟某設肆於市。徵逐什一。權子母家。得小康。兄弟怡怡。固未析爨也。兄生一女。曰晴梅。弟生三女。曰晴芳。晴雲。晴雪。兄無子弟。僅一子。曰紹寅。紹寅始辨方名。兩家爭寶之。晴梅及笄。秀慧絕倫。晴芳齒少長。已出閣生子矣。晴雲與晴梅年相若。晴雪則荳蔻年華。依人小鳥。其動人憐愛。與晴梅相伯仲。特晴梅圓姿替月。笑暈雙渦。以豐豔勝。晴雪曲眉嫋日。秀靨承歡。以纖麗勝。蓋姊妹行中二人實翹楚也。

晴梅母常州莊氏。外祖曰卓峯。官湘省。歷任劇縣。因潘爲姑蘇望族。且某少。有文名。故入雀屏。選焉。嗣某久滯一衿。家頗中落。不得已橐筆漫游。因自號曰寄齋。取人生忽忽如寄之義也。當寄齋年逾強仕。正晴梅三五月圓。母旣爲毗陵。

大家女則詩書夙嫻。楮翰慣弄。晴梅濡染。母教業手簡編。漸解吟詠。雖椿庭遠隔。而午夜青燈。攜書課女。儼然女學師弟也。以故晴梅生有雅骨。羌無俗韻。非尋常女子所得比例也。

晴芳父曰遂堂。弱冠亦習儒。試童子軍。不售。輒棄去。事賈。既獲利。乃曰。今而後。蓋商業世界矣。丈夫不治家人生產業。然仰面求人。談何容易。否則稿項黃馘。饑死牖下。誰復知我者。生計之關繫。若此。猶得作老儒。譖語不屑口道。阿堵物哉。遂堂持此見解。始益展其智力於市場。初亦折閱久之。礎址漸立。日益向裕。遂堂又工心計。三五年中。起家茶米。突過小康。妻陸氏亦蘇垣宦家女。讀書明理。姊妹相得。實輓近世所無。晴芳適同城張子和。和雖亦宦裔。而佻巧性成。浮薄無節。芳性沈鷺。輒一二冷語譏之。皆中肯綮。和反憚之。以故夫婦尙少違言。陸氏固特愛長女。裝遣之。豐幾如其積產之數。遂堂竟溺婦。言聽彼揮霍。以愛女故。及壻泰山封禪。動輒年計。由是出入閨幃。司空見慣。游蜂浪蝶。或引與俱來。陸氏心非之。然無如何也。雲與芳夙志合。尙無間言。雪性高寒。不肯一坐春。

風作桃李爭妍之舉。梅無此榮。鰲而時或斷斷胸中。獨有涇渭所謂雷霆精銳。冰雪聰明矣。

鶯花三月春滿山塘。閨伴相攜踏青鬪草。此一時韻事也。陸氏居近郭。棟宇頗軒。廠縱非甲第。連雲而漚釘獸環。絕勝蓬華者。流夜郎自大。亦有二女曰蕙曰荷。婢曰調墨理琴。蕙荷既娟妙。婢亦小家碧玉。四人皆樂與梅雲雪嬉。乃擇嫩晴天。氣拏舟破浪。挈榼提壺。恍如聽鸝詩客。斗酒雙柑。飄然曳屐於柳陰曲路。以此見蘇人士之好事風雅矣。閨門過去盤馬路。一樹垂楊。一畫樓。何等精神。何等風景。江南之人。本似無愁。天子加以七寶香車。半帆錦障。點綴於鶯飛草長之場。和風駘蕩。能移我情。而陸氏正大敞瓊筵。宴羣美於山塘十里間也。語云樂極悲生。在陸氏飛觴行炙之時。正寄齋耗音適傳之際。始言疾甚。繼曰不支。終云溘逝。莊氏及晴梅大慟。踉蹌返宅。料量哭奠。禍出意外。正如大將軍天外飛來也。顧寄齋於前日有函。未嘗及抱病事。而耗言非疫。抑又何邪。於是。有懷疑派之議。勸遂堂導嫂往齊一探消息。二亦可扶柩還鄉。豈不甚善。遂堂

已決計成行。

無何遂堂忽感疾甚劇不得行。莊氏急欲就道。乃覓一幹僕護魚軒而去。

第二章 種瓜謠

慈烏失母。喔喔哀鳴。況乎綾經在躬。情尤難已。晴梅邇日之狀。正如梨花帶雨。楊柳因風。不勝其顛悴可憐之致也。瞬息風潮高堂忽圯。而靈萱垂老。又復遠行。雖健男子。不能無穀鯨態。晴梅獨強自含忍。依依叔母肘下。入侍叔父疾。調湯煮藥。具有條理。雖芳雲等屬毛裏者。不能及梅。嘗曰。吾憾不能事父終天。抱恨幸叔在。尙得表此寸衷。爲桑榆之補救也。聞者咸欽其有至性云。

荏苒月餘。忽報道梗蓋拳匪。正於此時。擾擾燕齊間。幸大吏解事。肅清境內。不令南下。然德州以北。狼竄豕突。時驚風鶴。其勢不能輒止。而女父適客東昌之。恩縣池魚殃及。在所不免。女母旣去。迄無魚雁。或傳已沒匪巢者。時遂堂甫瘡力疾。欲往家人環阻之。晴梅雖淚眼將枯。而叔以身試虎口。亦祇可隨人慰藉。然含辛茹藥。已達極點。自嗟命薄。頓成曙後孤星。天豈知是特發軔之始耳。

愁雲慘霧。忽叢集於潘氏之門。遂堂以痛兄故居。恆鬱鬱不自得。夙疾本未盡除。一日赴宴。醉飽而歸。中夜被寒熱。胸膈不舒。呻吟旬日。藥餌無靈。溘然朝露矣。陸夫人悲甚。欲以身殉。子女環守得免。喪亂迭乘。鵲鴿影沒。良朋永歎。誰來相顧。晴梅得外祖莊公之鍾愛。乃挈之至毗陵。陸夫人亦賴外戚某經紀葬事。分道揚鑣。各行其是。而晴梅遂爲毗陵寓公。名列陽湖閨秀傳。乃與芳雲雪等音塵隔絕矣。莊公正室已虛。嚙彼小星。左宜右有。俱句欄中人子。一才弱冠。曰彥生。新娶。姑氏與晴梅之母固非同懷也。宴爾新婚。事無他顧。梅遂僅得寄養於姬妾之手。莊凡三妾。曰月娥。曰翠蘋。曰綠珠。綠珠年最穉。與梅同庚。性尙柔婉。得莊寵眷。而亦能憐梅。以故梅稍獲慰藉。繡餘吟罷。攜手園廊。見者輒驚爲環燕而不知。侍兒公子。其身世不同。苦樂亦懸殊也。月娥差長。已不專夕。然善心計。司筦鑰。莊甚信任之。惡梅之嬌弱。不能事事也。始而腹誹。繼加白眼。又以與綠珠。睚眦益遷怒焉。時藉他事。影射梅。指桑詈槐。冷

嘲熱諷漸成水火嫌莊惑其言意頗移翠蘋亦嘆綠珠助月娥運動雙斧入林孤柯夜泣梅之緣孽殆相偈而來矣

綠珠嬌小荏弱恍如飛燕可作掌上舞工愁善病莊雖寵愛甚而不獲肆其肉慾輒顰蹙不自得入其寢室藥爐茗碗楚楚有致然蛾眉隱隱含恨啼痕界面見人作強顏歡笑笑時靨暈雙渦莊見其笑則怒解以故亦不能虐之惟梅最相愜見輒絮絮語語或深夜不休莊不御則連牀作竟夕談以爲常殆亦同病相憐意也同是天涯淪落人相逢何必曾相識況樂數晨夕者耶梅與綠之情感蓋非尋常萍水可知矣

彥生長於梅五齡讀書不甚慧以父蔭故早歲娶婦婦有才色然驕妬雖小婢不許其夫平視誠有讀洛神賦投淵之概彥生以其美而才頗憚之積威之下閨令高張月娥見婦之頭角嶄露也亦時殷勤以悅其意莊甚誇月娥賢而二妾寵稍衰綠珠尤冷落輒語梅曰今日之女界殆土苴草芥耳縱令堯舜復生恐亦無以善其後語罷相對歔歔有桓子野聞歌之感由是綠珠寢失莊意而

梅之終身患乃乘隙而入。

先是彥生自以渭陽情切頗或慰藉梅梅以爲吾舅也亦未嘗嫌疑暇日晤於園亭時述身世每至淚珠簌簌彥愛憐之輒慰藉再四綠珠猶慙態往往鼎足其間月娥屢見之忽幻出一小說之指頭印乃移其印於他人之身以治之遂愬冢婦子不慎彼好色兒將烝報兼施矣晉文納秦嬴煬廣狎宣華今何必求之歷史耶。

梅之始本不喜梅聞月娥言大恚咄咄自語曰吾誓投此妮子以快吾意也相彼雨雪先集維霰吾當以綠珠爲霰矣乃具情以告翁且鍛鍊其詞確如目睹莊是時益厭綠珠適聞膚受之譖雷霆頓發促召媒媼來以百金轉貨於某紳而墜樓人去繁花點點入溷中寒食東風御柳斜斷魂之清明乃在瞬息間耳綠珠有婢曰小憐亦明慧綠珠去乃事彥生婦草角花鬢輒念綠珠不置婦益虐使之稍含怨懟意婦知恚益甚始鞭撻從事或道及綠姨則詈曰爾猶將爲淫婢黨耶彼覆巢破卵未知死所矣小妮子不悛且甚於是顧爲是喋喋謂吾

刃。不。利。不。能。殺。却。耶。

生婦本瘠怯。或勸以療疾。乃手槍口膏。日與芙蓉城主爲伍。莊與彥生皆不過問。疏簾燈靜。一榻橫陳。輒呼小憐。燃煙裏小憐。或不慎誤觸。婦怒。則掌杖交下。猶不足助。以蹴踏更手。鐵簽任意刺之。噉然呼。慘慘不可聞。彥生或入排解。多反脣相譏。莊亦以爲言。婦恚。後每杖刺。先以棉塞口。不得有聲。未及三月。憐已灰敗無人狀矣。

當綠珠之去也。以婢囑梅。且曰。不幸早逝。則已。不死。必尙有相見期。妾非不知守節。自愛者。徒以生長蓬華。久已爲人市貨。今日必抱貞妃之信。自殺而已。殊非人道。所重不如隨波逐流。或者得登彼岸。令媛善自愛。勿以爲念。語畢相向失聲。長短亭前贈行。折柳從此一別。相見何年。嗚呼。是可悲也。

曾幾何時。始氏奪婢去。梅顧影。煢煢。光無與伴。又無力與始爭。每至憂來。填膺輒不食。不寢。回憶膝下依依。椿萱垂蔭。何等憐閔。及嚴庭游宦。慈母恩深。嬾繡窗前。慵書燈畔。侍坐燕譚。至昵昵兒女。恩怨爾汝。不已。此情此景。天倫樂事。今

而後豈可復得乎。

始知梅終落落不能善事我。乃語彥生宜速擇配以安其身。彥生以告父。父又欲物色快婿。懸鵠其高年餘不能得。正無奈何。

第三章 鐵窗紅淚

晴梅輒於繡暇誦溫李詩。至玉樓明月長相憶。牡丹花好傷離別之句。眷念前塵。不忘晴雪。搗管吮毫。常思修書一問近狀。而欲寄無從。所思安在。玉璫緘札。何由達萬里。雲羅一雁飛。金閨遐想與日俱深。荏苒二年。卒未一通音問。離羣孤雁。暮雨相呼。加以偶逢。繪繳孤飛。可疑。於是言哀哀可知矣。

一日梅兀坐有思。正憶今日何日。非吾母四十之初度耶。而今存亡未卜。蓼楚無家。戍鼓斷人行。淒涼景況。必有令人不堪再述者。吾雖含茶茹蘖。固儼然江南佳麗地也。母也天只。夢裏相親。不知爲白楊別屋乎。抑飄萍泊絮乎。掩袖自悲。不覺綆縻忽小婢名碧淨者入曰。梅姑此函。非由姑蘇臺畔來耶。梅亟取視之。則晴雪之手筆也。不覺戰然。損械讀之。

梅姊無恙。別後。璧月幾回圓矣。拈花琢句。蔭樹談碁。猶前日事。不謂天禍吾家。罡風吹散。愁雲隱座。急雨侵簾。當時已不勝悽楚。可憐之態。自是厥後。更不忍言矣。舅氏冰山見睨。銅穴已傾。金裘既盡。田里且蕪。我母竟爲池魚。難飛孤鶴。屢屢非米。巧婦難炊。甌釜生塵。高歌何益。妹性迂闊。絕不關懷。無如萱草含悲。竟無忘憂之日。棣華不競。又增永歎之情。富貴逼人時來。楚儉笑言不入。爭奈隣嫗亦既墮落。寰中豈復身能自主。雲姊不幸。竟隨俗子。嗟乎。桑榆賸影。惟有淚痕。茅苴閒吟。忽成往事。玉杯之書已缺。誰續陳編。秋墳之鬼不靈。竟拋舊句。況以老病蹉跎。高堂髡兀。誓不塵緣。自溺孺慕。終身儻能老病。就安感恩。無極。惟姊知我。睽隔有年。生也不辰。姊亦見阨。然勿悲哀。第看雲物。妹已辦羽衣寶劍。他日終天盡禮。卽當漫游世界。誅戮狂夫。以完自由。無犯之身。聊抒磊落不平之氣。言不盡意。佇盼片牋。

梅得書大喜。過望。旣而淚潄潄下。溼徧羅巾。拋擲枕函。永懷不寐。思晴雪所言。回環嗚咽。必有大不得已之情。不忍明言者。不然。彼姊雖誤嫁。何至絕人逃世。

忽發狂言耶。正惋惜悵悵間。碧淨至。促往晚膳。梅以小恙辭之。索糜粥一甌。以代少頃。彥生入視梅。以雪函呈閱。且曰。此兒所最念之人。惜兩載不通音問矣。彥生因索函筒。視其發書所在地。則大駭曰。乃居閨門外某浜前耶。其姊貌豐肥。白而眉梢有創痕者耶。雪乃秀目纖眉。玉腮櫻口。身材嬌小。意致落落不屑。酬應人者耶。正語氣搶攘間。梅急止之曰。舅胡知之稔。速語我。速語我。彥生驟聞此詰。忽若清磬一聲。喚回迷夢。乃囁嚅曰。吾曾與一友人訪舊。誤入其家。所見如是耳。梅大疑。急續詢曰。舅識吾弟紹寅乎。計今八齡矣。識彼舅陸筱韻乎。亦曾讀書第。未青一衿。彥生曰。吾不知。吾因訪友。偶登馬融樓下。始得睹老母與兩美耳。家世何如。未及問津。不知是否。雪家深悔孟浪致葭莩之親失之交臂也。語已。因言今晚尙當赴友約。不宜遲留。甥欲郵致答牋者。盍緘付碧淨遣張貴投局。必無誤也。匆匆自去。梅尙欲有問。而彥生之躅已逾闕矣。

梅獨坐支頤。尋思近況。不覺淚皆瑩然。又細循舅語始末。中含毛刺。非果誤入桃源者。且一經詰問。神色頓異。若自咎漏言。挽回無術。噫。此中果有何等變幻。

耶索解無由煩懣益甚久之忽轉計曰徒思何益不如修札詳詢雪知我肺腑必以實告且釋其詞翰意頗殷拳性本伉爽加以情密殆無不可得其底蘊者念此乃忻然奏筆折牋櫛夾須臾函就

雪妹如握天上佳章朶雲奉下浣薇雜誦百憂辟易矣溯自離羣再更爐箠梭停鍼住彼此應同自念命薄如雲萱堂忽悴流離瑣尾正如斷梗飄蓬任天風置我何所此間雖得老人憐愛而毛裏不屬情實難言苦恨壓線之餘誠有淚痕洗面者不謂妹依肘下顏色親承亦多抑鬱傷心之語嗟乎迴腸九折我既親歷羊腸證石三生妹亦心匪轉石人間何世識字果憂患之媒魑魅多逢造物類貪殘之吏同遭逆境莫脫塵緣憐我憐卿呼天呼母妹固於邑我更洩瀾已雖然音塵久隔情事多迷黃絹幼婦之隱詞錦瑟畫屏之託意頗滋疑竇乞指本懷棣華永歎紹賓其無恙耶楚儉隣嫗又何公案俗子不文妹胡憤憤妙齡雋才忽作游仙之夢豈自以仇秦功告可從赤松乎凡此怪論如墮五里霧中鈍根人之不悟如是如是然竊願有以教之春初

或得請一循姑蘇臺畔。弔捧心亡國之娃。問點頭說法之石。能如所願。未必操券寒風。颯利凌厲。有加珍重。加餐載揚。侍福。

函去月餘。無耗。梅請於莊。欲返蘇。莊不許。且懲訓焉。梅懼。無敢抗。久亦置之。機中錦字樓上花枝。大好年華。消磨於泣紅怨綠之間者不少。

先是彥生友疏戚曹某。方弱冠。慘綠風情。垂青聲價。此子神味正復不惡。莊意以偶梅。特貧甚。故難之。曹生亦稔女美。而才思慕綦切。以求彥生彥生業已蹇修。自任莊亦愛其文秀。有允意矣。

彥生以告姪氏。姪氏忽不悅曰。吾昨云云。不較勝耶。而必欲與窮措大賤骨頭。殆甘窮困死乎。彥生恍然悟。蓋所謂昨云云者。亦求婚人之一。與莊有連。而婦之疏族也。錢姓年已知命。有餘行。將就木矣。鵬弦久斷。尙欲求凰。已遣媒媼。致意莊。以其老笑却之。彥生亦不謂然。而錢某曾睹女貌。心醉焉。候姪氏歸。寧先進阿芙蓉膏爲壽。媵以交梨火棗。蜀錦吳綿。饋賂豐盛。姪知有異。詢以所求。不答。至再三始露微意。姪曰。爲一小妮子乎。易易耳。彼噉閒飯。猶自驕貴。咬嚼文。